

# Una Ferita

M'arricordu d'un locu profumatu  
D'un mondu calmu di lume suminatu  
D'un soffiu caldu, d'una voce dolcezza  
Di l'ore sepiate, e stonde d'asgiatezza

E m'arricordu, m'era chjinatu  
In l'arbicelle à u to latu  
E l'ochji persi mezu à u celu  
Eramu in 'ssu pratu  
Cum'hè quassù l'acellu

E ti vecu sbarsendu di vita  
Mezu à a viridura di 'ssa stesa fiurita  
E i to capelli  
A u ventu dati  
E 'ssi ghjorni belli  
Sempre assuliati

M'arricordu d'una alba smisurata  
D'un accunsentu, di tamanta abbracciata  
Di u to surrisu cum'è un sole novu  
E di 'ssu calore ch'oghje ùn ritrovu

E m'arricordu t'avia basgiatu  
A e to lapre m'era imprigiunatu  
E u sguardu intintu di mille culori  
Eramu in 'ssu pratu  
Cum'è so i tisoni

Ma oghje, tù, si smarita  
E solu ferma una ferita  
E tu to ramentu  
Datu à u ventu  
E 'ssi ghjorni beati  
A celi nivulati  
A celi nivulati

E 'ssi ghjorni beati  
A celi nivulati...

Smisurata  
Abbracciata  
Sole novu  
Un ritrovu  
Ti basgiatu  
Imprigiunatu  
Mille culori  
I tisoni